



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

1. Qvomodò nos disponere debeamus ad mortem.

urn:nbn:de:hbz:466:1-29452

CATECHISMI DN.
CONRADI CLINGII, LL
BER TERTIVS. 90

CAPVT PRIMVM.

ARGVMENTA.

1. *Quomodo nos disponere debeamus ad mortem.*
2. *Quae facere debeamus lecto decumbentes.*
3. *Quid amici & propinqui faciant mortuo.*



POSTOLVS inquit ad Hebr. 9. statutum est hominibus semel mori, ideo nemo illam fugere potest, quia omnes sumus peccatores: propter stipendium peccati ad omnes veniet, sicut Apostolus ait Rom. 6. stipendium peccati mors. & quoniam nullus mortalium euitare potest mortem, non itaque nimium deplorare, neque nimium timere debemus mortem, quia est irreuocabilis. Magis ergo studere debemus, ut nos recte disponamus ad mortem. Hoc autem fit primo sic, ut moriamur diuitijs, pompis, possessionibus, & illa ita ordinemus, ut posteri nostri siue haeredes pacem habere possint, utque animum nostrum ab illis penitus abstrahamus, illa libenter relinquendo propter Deum, habentes verba Pauli in memoria, 1. Tim. 6. Nihil intulimus in hunc mundum, nihil hinc auferre possumus. Retrahare igitur debemus corda nostra ab amore diuitiarum & rerum nobis in mundo placentium, & libenter mori: ab his enim quam longissime animo recedere, Deo maxime placet.

Quare

Quare prima dispositio ad mortem est, vt animū suū cor nostrum à bonis temporalibus abstrahamus, & illis propter amorem Dei valedicamus, credentes firmiter nos multò meliora bona accepturos in vita futura, quàm hæc sunt quæ relinquimus: immò centuplum accipiemus Matt. 19 & Luc. 19. Sic disposuit se Iob ad mortē, ca. 1 inquit, Dñs dedit, Dñs abstulit, sic vestimēta Christi diuiduntur Mat. 27. Deindè moriamur odio & affectione erga proximum, remittēdo illi omnē offensam, & precādo optima à Deo, sicut Christus fecit in cruce, Luc. 23. Pater, dimitte illis, quæ nesciunt quid faciunt. Hic gradus altior est priori, nepe vt quis moriatur, à vindicta proximi qui eum læsit. Stephanus flexis genibus orat p lapidatibus se Act. 7. hic cogitare oportet, quòd si volumus vt Deus remittat nobis nostra debita seu peccata, antequam moriamur, certè & nos dimittere debemus debitoribus nostris, id est, qui nos offenderunt, suā offensam: deindè, quòd omnes sumus fragiles & peccatores, quæ tu quoq; alium potueris offendere: remittemus igitur, & Deus nostra remittet peccata propter suam misericordiam. Si enim non vult munus sibi offerri in altari, nisi reconciliato prius fratre, Matt. 5. nec animam tuam suscipiet, si emigrauerit in odio erga proximum. Postremò debemus libenter Deo offerre vitam nostram, dicendo: Ecce, mi Deus, dedisti mihi vitam: id donum tuum est: quandò volueris hoc repetere, fac: ego obediam libenter & ex corde: etsi dulce est à natura viuere, attramen non mea, sed tua voluntas fiat, &c. Sic fecit Christus Mat. 26. in horto: is gradus est supremus: & hæc dispositio in tota vita durare debet, vt paratus sis cedere diuitijs, mundo, delitijs, odio. ac reliquis naturalibus, ppter Deū: semper enim hæc clausula addenda est, propter Deum, August. inquit: Sit bona vita, nec mala esse poterit mors, hæc dispositio præcedet infirmitatem & mortem.

Secundum